

HIMPUNAN SOALAN PERCUBAAN NEGERI 2023

☆ BAHASA MELAYU STANDARD ☆

COMPILED BY: MAYA MAISARAH

TRIAL SABAH

SOALAN

4. *Baca petikan bahasa Melayu klasik di bawah dengan teliti. Kemudian tulis semula petikan tersebut dalam bahasa Melayu standard tanpa mengubah struktur dan maksud asalnya.*

Syahadan, maka berkenan Sultan Muzaffar Syah mendengar kata Tun Perak itu. Pada hati baginda, “Adapun Tun Perak ini tidaklah patut jadi bentara lagi, patut menjadi Perdana Menteri.”

Maka digelar baginda Paduka Raja, disuruh duduk di seri balai setara Seri Nara Diraja. Maka Paduka Raja pun naiklah duduk dekat Seri Nara Diraja itu di seri balai itu, maka Seri Diraja berkisar ke tengah.

Dipetik daripada Burung Terbang Dipipiskan Lada’
dalam antologi *Sejadah Rindu*,
Kementerian Pendidikan Malaysia
[4 markah]

JAWAPAN

Soalan 4 – Bahasa Melayu Standard

Sultan Muzaffar Syah berkenan mendengar penjelasan Tun Perak. Pada pendapat baginda, “Tun Perak tidak sepatutnya menjadi bentara tetapi sepatutnya menjadi Perdana Menteri.”

Tun Perak digelar Paduka Raja dan disuruh di seri balai setara dengan Seri Nara Diraja. Paduka Raja menaiki seri balai dan duduk berdekatan dengan Seri Nara Diraja. Seri Nara Diraja beralih ke tengah.

[Maksimum : 4 markah]

TRIAL KUALA LUMPUR

SOALAN

4. *Baca petikan di bawah dengan teliti. Kemudian, tulis petikan tersebut semula dalam bahasa Melayu Standard tanpa mengubah bentuk dan maksud asalnya.*

Maka Laksamana pun membahagi tiga, diambil oleh Laksamana harta itu sebahagi. Maka yang sebahagi Laksamana ambil itu dibahagi tiga pula; yang sebahagi itu didermakan pada segala fakir miskin dan yang sebahagi lagi diberikan pada segala pegawai yang tiada penguasaan dan sebahagi diberikan pada segala orangnya. Maka segala harta itu pun habislah, suatu pun tiada diambil oleh Laksamana.

Dipetik daripada
‘Kepimpinan Melalui Teladan’,
dalam Antologi *Jaket Kulit Kijang dari Istanbul*,
Kementerian Pendidikan Malaysia.

[4 markah]

JAWAPAN

Jawapan

Laksamana membahagi tiga harta itu, diambil oleh Laksamana harta itu sebahagian, kemudian harta itu dibahagi oleh Laksamana kepada tiga bahagian lagi. Satu bahagian didermakan kepada fakir miskin, satu bahagian diberikan kepada semua pegawai yang tidak mempunyai kuasa dan satu bahagian lagi diberikan kepada semua orang Laksamana. Segala harta itu telah habis dan tidak ada satu pun diambil oleh Laksamana.

TRIAL PAHANG

SOALAN

- 4 *Baca petikan bahasa Melayu Klasik di bawah dengan teliti. Kemudian, tulis semula petikan tersebut dalam **bahasa Melayu Standard** tanpa mengubah struktur dan maksud asalnya.*

Maka tiada disahuti oleh Tun Perak kata itu. Sekali lagi Seri Amerta berkata, itu pun tiada disahuti oleh Tun Perak. Genap tiga kali Seri Amerta berkata itu, maka barulah disahuti oleh Tun Perak, katanya, “Hai Seri Amerta, tuan hamba dengan pedang tuan hamba sebilah itu juga, hendaklah baik-baik tuan hamba peliharakan, jangan diberi berkarat, jangan kemakanan matanya.

Dipetik daripada Burung Terbang Dipipiskan Lada
dalam antologi *Sejadah Rindu*,
Kementerian Pendidikan Malaysia

[4 markah]

JAWAPAN

Soalan 4 – Bahasa Melayu Standard

Tidak dijawab oleh Tun Perak pertanyaan / kata-kata itu. Sekali lagi Seri Amerta bertanya, namun tidak dijawab oleh Tun Perak. Cukup tiga kali Seri Amerta bertanya, barulah dijawab oleh Tun Perak, katanya, “Wahai Seri Amerta, tuan hamba dengan sebilah pedang tuan hamba itu, hendaklah tuan hamba jaga dengan baik, jangan dibiarkan berkarat, jangan dibiarkan matanya tumpul.

[Maksimum : 4 markah]

TRIAL KELANTAN

SOALAN

4

Baca petikan bahasa Melayu klasik di bawah dengan teliti. Kemudian tulis semula petikan tersebut dalam **bahasa Melayu standard** tanpa mengubah struktur dan maksud asalnya.

Maka baginda pun tersenyum, seraya bertitah, "Benar seperti kata Tun Perak itu."

Maka diambil baginda sirih dari puan baginda, disuruh berikan kepada Tun Perak. Maka titah baginda kepada Tun Perak, "Bahawa Tun Perak tiada patut diam di Kelang lagi; baiklah Tun Perak diam di negeri."

Dipetik daripada Burung Terbang Dipipiskan Lada
dalam antologi *Sejadah Rindu*,
Kementerian Pendidikan Malaysia
[4 markah]

1103/2©2023 Hak Cipta MPSM Kelantan

SULIT
[LIHAT HALAMAN SEBELAH]

JAWAPAN

Soalan 4 – Bahasa Melayu Standard

Baginda tersenyum lalu bertitah, "Benar kata-kata Tun Perak itu."

Baginda mengambil sirih daripada tepak sirih baginda, disuruh memberikannya kepada Tun Perak. Baginda bertitah kepada Tun Perak, "Tun Perak tidak perlu tinggal/ menetap di Kelang lagi, sebaliknya tinggal/ menetap di negeri ini."

[Maksimum : 4 markah]

TRIAL JOHOR(PASIT GUDANG)

SOALAN

4. Bahasa Melayu Standard

Baca petikan bahasa Melayu Klasik di bawah dengan teliti. Kemudian, tulis petikan tersebut semula dalam **bahasa Melayu Standard** tanpa mengubah bentuk dan maksud asalnya.

Syahadan, maka berkenan Sultan Muzaffar Syah mendengar kata Tun Perak itu. Pada hati baginda. "Adapun Tun Perak ini tidaklah patut jadi bentara lagi, patut menjadi Perdana Menteri."

Maka digelar baginda Paduka Raja, disuruh duduk di seri balai setara Seri Nara Diraja. Maka Paduka Raja pun naiklah duduk dekat Seri Nara Diraja itu di seri balai itu, maka Seri Nara Diraja berkisar ke tengah.

Dipetik daripada prosa tradisional "Burung Terbang Dipipiskan Lada",
dalam *Antologi Sejadah Rindu*,
Kementerian Pendidikan Malaysia, 2015

(6 markah)

JAWAPAN

Soalan 4-Bahasa Melayu Standard

Cadangan jawapan

Sultan Muzaffar Syah bersetuju apabila mendengar kata-kata Tun Perak. Dalam hati baginda, Tun Perak ini tidak sesuai lagi menjadi bentara, tetapi sesuai menjadi Perdana Menteri.

Kemudian baginda menggelarnya Paduka Raja dan disuruh duduk di seri balai setaraf / sama kedudukan dengan Seri Nara Diraja. Paduka Raja pun naik lalu duduk berhampiran dengan Seri Nara Diraja di seri balai dan Seri Nara pun beralih / berengsot ke tengah.

TRIAL PULAU PINANG & MELAKA

SOALAN

- 4 *Baca petikan bahasa Melayu klasik di bawah dengan teliti. Kemudian tulis semula petikan tersebut dalam bahasa Melayu standard tanpa mengubah struktur dan maksud asalnya.*

Setelah empat puluh dua tahun lamanya Sultan Muzaffar Syah di atas kerajaan, maka baginda pun mangkatlah. Maka anakanda baginda yang bernama Raja Abdullah itulah menggantikan kerajaan ayahanda baginda, gelar baginda di atas kerajaan Sultan Mansur Syah, umur baginda tatkala naik raja itu dua puluh tujuh tahun. Dan baginda beristerikan anak Seri Nara Diraja yang bernama Tun Patih Nur Pualam; dan ada beranak dengan gundik baginda seorang perempuan bernama Puteri Bakal.

Dipetik daripada Burung Terbang Dipipiskan Lada
dalam antologi *Sejarah Rindu*,
Kementerian Pendidikan Malaysia

[4 markah]

JAWAPAN

Soalan 4 : Bahasa Standard

Setelah / selama empat puluh dua tahun Sultan Muzaffar Syah memerintah kerajaan, baginda mangkat. Anakanda baginda yang bernama Raja Abdullah telah / yang menggantikan takhta ayahanda baginda, baginda digelar Sultan Mansur Syah ketika memerintah, baginda berumur dua puluh tujuh tahun semasa menjadi raja / menaiki takhta. Baginda telah beristerikan / berkahwin dengan anak Seri Nara Diraja yang bernama Tun Patih Nur Pualam. Baginda juga memiliki seorang anak perempuan dengan gundik yang bernama Puteri Bakal.

[Maksimum : 4 markah]

TRIAL NEGERI SEMBILAN

SOALAN

- 4 *Baca petikan bahasa Melayu klasik di bawah dengan teliti. Kemudian tulis semula petikan tersebut dalam bahasa Melayu standard tanpa mengubah struktur dan maksud asalnya.*

Maka oleh Seri Amerta kata Tun Perak itu semuanya dipersembahkan ke bawah Duli yang Dipertuan. Maka baginda pun tersenyum seraya bertitah, "Benar seperti kata Tun Perak itu."

Maka diambil baginda siri dari puan baginda, disuruh berikan kepada Tun Perak. Maka titah baginda kepada Tun Perak, "Bahawa Tun Perak tiada patut diam di Kelang lagi; baiklah Tun Perak diam di negeri."

Dipetik daripada 'Burung Terbang dipipiskan Lada'
dalam antologi *Sejarah Rindu*,
Kementerian Pendidikan Malaysia

[4 markah]

JAWAPAN

Soalan 4 – Bahasa Melayu Standard

Seri Amerta menyembahkan / mempersembahkan kata-kata yang disampaikan oleh Tun Perak kepada Duli Yang Dipertuan. Baginda tersenyum sambil bertitah, “kata-kata Tun Perak itu memang benar.”

Setelah itu, baginda mengambil sirih dari bekas sirih itu / puan sirih / tepak sirih lalu menyuruh orang untuk memberikannya sirih itu kepada Tun Perak. Baginda bertitah kepada Tun Perak, “Tun Perak tidak patut tinggal di Kelang lagi, sebaliknya lebih baik berada di negeri ini.”

[Maksimum: 4 markah]

TRIAL TERENGGANU

SOALAN

SULIT

4

1103/2

- 4 *Baca petikan bahasa Melayu klasik di bawah dengan teliti. Kemudian tulis semula petikan tersebut dalam bahasa Melayu Standard tanpa mengubah maksud dan bentuk asalnya.*

Maka Laksamana pun berjalanlah. Pada malam itu kelim-kabut dan hujan pun rintik-rintik. Maka Kertala Sari pun masuklah ke dalam kota. Maka Laksamana pun tidur di tengah pasar itu. Maka didengar oleh Laksamana kaki Kertala Sari itu terlalu gemuruh bahannya. Maka Laksamana pun tahulah akan Kertala Sari datang itu. Maka Kertala Sari pun berjalanlah ke tengah pasar itu.

Dipetik daripada
'Kepimpinan Melalui Teladan'
antalogi *Jaket Kulit Kijang dari Istanbul*,
Kementerian Pendidikan Malaysia.

[4 markah]

JAWAPAN

Soalan 4 – Bahasa Melayu Standard

Laksamana berjalan. Pada malam itu keadaan terlalu gelap / kelim / gelap-gulita dan hujan rintik-rintik / renyai-renyai. Kertala Sari masuk ke kota. Laksamana tidur di tengah-tengah pasar itu. Kemudian Laksamana mendengar bunyi hentakan kaki Kertala Sari yang sangat / terlalu kuat. Laksamana mengetahui kehadiran / kedatangan Kertala Sari. Kertala Sari sedang berjalan / menuju ke tengah pasar.

[Maksimum : 4 markah]

TRIAL YAYASAN ISLAM KELANTAN

SOALAN

4. Baca petikan bahasa Melayu klasik di bawah dengan teliti. Kemudian, tulis semula petikan tersebut dalam **bahasa Melayu Standard** tanpa mengubah bentuk dan maksud asalnya.

Syhadan, maka berkenan Sultan Muzaffar Syah mendengar kata Tun Perak itu. Pada hati baginda, “Adapun Tun Perak ini tidaklah patut jadi bentara lagi, patut menjadi Perdana Menteri.”

Maka digelar baginda Paduka Raja, disuruh duduk di seri balai setara Seri Nara Diraja. Maka Paduka Raja pun naiklah duduk dekat Seri Nara Diraja di seri balai, maka Seri Nara Diraja berkisar ke tengah.

Dipetik daripada ‘Burung Terbang
Dipipihkan Lada’ dalam *Antologi Sejadah
Rindu*, Kementerian Pendidikan Malaysia

[6 markah]

JAWAPAN

SOALAN 4 – BAHASA MELAYU STANDARD

Lalu, berkenan Sultan Muzaffar Syah mendengar kata Tun Perak itu. Di dalam hati baginda, “Tun Perak ini tidak sepatutnya menjadi bentara lagi, sepatutnya menjadi Perdana Menteri.”

Tun Perak digelar oleh baginda Paduka Raja, diminta duduk di seri balai sama kedudukannya/setara dengan Seri Nara Diraja. Lalu Paduka Raja pun naik dan duduk di sebelah Seri Nara Diraja, lalu Seri Nara Diraja bergerak sedikit/berkisar ke tengah.

[6 markah]

TRIAL SARAWAK(SMK MERADONG)

SOALAN

Soalan 4: Bahasa Melayu Standard

*Baca petikan bahasa Melayu Klasik di bawah ini dengan teliti. Kemudian, tulis semula petikan tersebut dalam **bahasa Melayu Standard** tanpa mengubah struktur dan maksud asalnya.*

Adapun perigi di Batu Pahat itu dibuat, orang Siamlah membuat dia. Maka diikuti oleh Bendahara Paduka Raja sampai ke Singapura. Maka bendahara pun kembali ke Melaka menghadap Sultan Muzaffar Syah. Maka segala perihal ehwal itu sekaliannya dipersembahkan oleh bendahara kepada Duli Sultan. Maka baginda pun terlalu suka; maka baginda pun memberi persalin akan Bendahara Paduka Raja daripada pakaian yang mulia-mulia, dengan segala hulubalang yang pergi bersama-sama itu semuanya dianugerahi baginda persalin masing-masing pada kadarnya.

Dipetik daripada
'Burung Terbang Dipipiskan Lada'
dalam Antologi Sejadah Rindu'
Kementerian Pendidikan Malaysia.

[6
markah]

JAWAPAN

Terdapat perigi di Batu Pahat telah dibuat oleh orang Siam. Diikuti Bendahara Paduka Raja sampai ke Singapura. Lalu Bendahara pun kembali ke Melaka menghadap Sultan Muzaffar Syah. Seterusnya, semua perihal ehwal dipersembahkan oleh Bendahara kepada Ke Bawah Duli Sultan. Baginda sangat suka lalu memberi persalinan kepada Bendahara Paduka Raja iaitu pakaian yang baik-baik dan semua hulubalang yang bersama-sama turut dianugerahi baginda persalinan yang sepadan.

[Maksimum : 6 markah]

SOALAN

4

*Baca petikan bahasa Melayu klasik di bawah dengan teliti. Kemudian tulis semula petikan tersebut dalam **bahasa Melayu standard** tanpa mengubah struktur dan maksud asalnya.*

Syahadan, maka kedengaran di Melaka bahawa Cau Pandan sudah mati, sakitnya muntahkan darah, dadanya seperti kena panah. Telah Sultan Muzaffar Syah mendengar khabar itu, maka titah baginda, “Sungguhlah Tuan Sidi Arab ini hamba Allah keramat.”

Maka beberapa puji baginda akan Tuan Sidi Arab itu dan dianugerahi baginda dengan sepeertinya.

Dipetik daripada
‘Burung Terbang Dipipiskan Lada’
dalam antologi *Sejadah Rindu*,
Kementerian Pendidikan Malaysia

[4 markah]

JAWAPAN

Soalan 4 – Bahasa Melayu Standard

Kedengaran/Sampailah khabar/berita ke Melaka bahawa Cau Pandan sudah mati/ meninggal dunia kerana sakit sehingga muntah darah dan dadanya seolah-olah kena panah/dipanah. Setelah Sultan Muzaffar Syah mendengar khabar/berita itu, baginda bertitah, “Benarlah Tuan Sidi Arab ini seorang hamba Allah yang mempunyai keramat/sakti/ kelebihan/keistimewaan.”

Baginda memuji Tuan Sidi Arab dan dianugerahi oleh baginda dengan selayaknya/ setimpalnya/kemampuan.

[Maksimum: 4 markah]

TRIAL SELANGOR (SET 2)

SOALAN

4

*Baca petikan bahasa Melayu klasik di bawah dengan teliti. Kemudian tulis semula petikan tersebut dalam **bahasa Melayu standard** tanpa mengubah struktur dan maksud asalnya.*

Maka sembah Temenggung, “Ya tuanku, patik mohonkan ampun dan kurnia; adapun pada malam ini patik sendirinyalah berkawal. Pada segenap pintu dan rumah saudagar dan orang kaya-kaya patik sudah tunggu; maka seorang pun tiada bertemu dengan patik-patik itu. Maka titah duli yang maha mulia patik junjung.”

Dipetik daripada
‘Kepimpinan Melalui Teladan’
dalam antologi *Jaket Kulit Kijang dari Istanbul*,
Kementerian Pendidikan Malaysia

[4 markah]

JAWAPAN

Soalan 4 – Bahasa Melayu Standard

Sembah Temenggung, “Ya, tuanku, patik memohon ampun dan kurnia/keizinan. Pada malam ini, patik sendirilah yang berkawal. Di setiap pintu dan rumah saudagar dan orang kaya-kaya telah patik jaga/kawal. Namun, tiada seorang pun yang patik temui/jumpai. Semua titah duli yang maha mulia telah patik junjung/turuti/patuhi.”

